

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
Z E N I C A
BROJ: T04 0 KT 0058858 24
Zenica, 05.05.2025. godine

OPĆINSKOM SUDU U VISOKOM
-Sudiji za prethodno saslušanje-
V I S O K O

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku Federacije Bosne i Hercegovine, p o d i ž e m

O P T U Ž N I C U

Protiv:

D. A., neosuđivan,

Što je:

dana 08.04.2024. godine oko 08,20 sati, na području općine Visoko, upravljajući putničkim vozilom marke „...“ registarskih oznaka broj ..., krećući se regionalnim putem Visoko-Kakanj iz smjera Visokog u smjeru Moštra, ugrozio javni promet tako što je vozio neoprezno i nedovoljno pažljivo, pa je postupajući suprotno odredbama člana 39. stav 1. i 2. Zakona o osnovama bezbjednosti saobraćaja na putevima u BiH, vozeći tako dolaskom u ulicu ... prešao na lijevu saobraćajnu traku namijenjenu za kretanje vozila iz suprotnog smjera kojom se u tom momentu kretalo vozilo marke „...“ registarskih oznaka ... kojim je upravljao J. J. iz S., svjestan da zbog takvog činjenja može ugroziti javni promet i dovesti u opasnost živote ljudi i imovinu, ali je olako držao da zabranjena posljedica neće nastupiti ili da će je moći spriječiti, te je tom prilikom prednjim lijevim dijelom svog vozila udario u prednju lijevu stranu vozila „...“, ugrozivši time sigurnost javnog prometa uslijed čega je J. J. zadobio teške tjelesne ozljede u vidu manje nakupine krvi ispod tvrde moždane ovojnice tjemenozatiljno, istegnuća mišića vrata, istegnuća mišića leđa, preloma grudne kosti i preloma koljene čašice desno,

dakle, kao učesnik u prometu na putevima, ne pridržavajući se prometnih propisa ugrozio javni promet i time kod drugog prouzrokovao teške tjelesne ozljede,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ FBiH.